

Johannes Corfinius

**Programma Quo Rector Universitatis Rostochiensis Johannes Corfinius, SS.
Theol. D. Moraliū Professor, & Pastor D. Mar. Ad Exequias, Quas ... Elisabethae
Knupperts/ Dilectissimae suae coniugi, In Templo Mariano hodierno die paratum
est Viduus Moestiſimus, Cunctos Universitatis Cives ... invitat**


Rostochii: Kilius, 1653

<http://purl.uni-rostock.de/rosdok/ppn771571356>

Druck Freier  Zugang



Corfinius, J.,
in E. Knuppert,
uxor. J. Lüders.
R. 1653.



PROGRAMMA

Quo

RECTOR

UNIVERSITATIS ROSTOCHIENSIS

JOHANNES CORFINIUS,

SS. Theol. D. Moralium Professor,

& Pastor D. Mar.

Ad

Exequias,

Quas

Fœmina Laudatissima, & Lectissima,

ELISABETHÆ

Luders

Rupperts /

Dilectissimæ suæ conjugii,

In Templo Mariano hodierno die paraturus est

Viduus Mœstissimus,




Universitatis Cives sedulo & seriò invitatur.



ROSTOCHII,

Typis NICOLAI KILII, Acad. Typogr.

ANNO M. DC. LIII.



Ximia sunt atq; nimis splendida
 pronunciata, humanamq; propemodum
 transcendunt conditionem, quæ de Sa-
 piente suo gloriantur Stoicorum Do-
 ctiores, istum enim ajunt in ipsis etiam
 equuleis fore beatum, & in doloribus
 exquisitissimis lætari. Hæc admirabundâ mentē si quis-
 quam evolvat, multò rectius credo demirabitur, fuisse
 repertos Viros, qui Voluptatem aliàs in pretio habuere
 summo, & nihilominus hanc comprobarunt opinionem;
 Epicurum voluptatis amatorem defensoremq; fuisse,
 acerrimum compertum est, Tullius tamen assertum ejus
 citavit, quo voluptati omninò nuncium remitti haud
 immeritò censes, *Si uratur Sapiens, inquit ille, si crucie-
 tur, in Phalaridū tauro si erit, dicet, Quam suave est hoc! quàm
 hoc non curo!* Exinde haud abs re & ratione infert Incom-
 parabilis ille Stoicus Seneca, *Quare incredibilia hæc sunt a-
 pud eos, qui virtutem colunt, cum apud eos quoq; reperiantur,
 apud quos voluptas imperat?* Externa equidem mala & ad-
 versa innumera occurrere sæpius haud differuntur lau-
 dari Sophi, sed ista non nisi timidis esse timenda addunt,
 vincenda potius, neq; animo inquieto repellenda aucu-
 mant; ne tamen ista quæ averfanda sunt optabilia face-
 re videantur, illo modo animi sententiam explanant,
 incommoda qua talia sunt, nunquam esse optabilia, vir-
 tutem nihilofecius optatissimâ esse, qua istiusmodi mala
 tolerantur. Luculento hoc comprobare satagunt militū
 exemplo, qui adversitates in prælio sexcentas subire,
 adiguntur, quas nunquam sanè desiderabunt, veruntamen

34

men quatenus gloriae victoriaeque; mixta sunt bellorum,
incommoda nunquam a generoso declinantur milite,;
haud dispari ratione si optio concedatur sapienti, molliora quidem eliget, at si mutari tollique nequeat calamitas, mente intrepida hanc superabit. Stupenda sunt, & admiratione perquam digna quae illi ipsi promunt, sed fortean quis talia dictis per facile depingi asseverabit, coeterum difficillime re ipsa firmari; Sistent verò Gentiles suos famigerabiles heroes, qui experimento idem fulcivere, quod Sophi de generositate animi pronuntiarunt; sanè masculè exilium *Rutilius*, generosè *Fabritius* pauperiem, ignem quoque strenuè toleravit *Musius* ille *Scavola*, neque toleravit duntaxat, sed in ipsa quoque gloriatus est flammâ, neque animi lapsum ullatenus declaravit. Veruntamen quantacumque fuerit gentilium decantata illa animi fortitudo, haudquaquam solidiori & firmo niteretur talo, neque a solo rationis ductu unquam proficiscetur, proinde ad sacratum Spiritus S. Lyceum ablegandi erunt, qui genuinum exoptant mentis robur, quo elucentur ex adversitatum vasto oceano; a Spiritu etenim coelesti pharmaca apparantur saluberrima, quibus languentes feliciter confortantur, moerentesque in luctu gravissimo exhilarantur. Huc faciunt Apostolorum *Jemèus* divina Monita; mox enim *Petrus* acclamat, *Afflictionum Christi consortes si fueritis, gaudete, ut in revelatione gloriae ipsius gaudeatis exultantes*: neque enim insolens quis reputabit, neque percellatur, ac si peregrinum quid accideret, dum exploratio animi fiet per tentationem; Astipulatur *Jacobus*, *Gaudium solidum reputate*, (ait) *sicubi in varias incideritis afflictiones, scientes, explorationem fidei vestra efficere tolerantiam*; atque illa suo etiam comprobavit calculo D. *Paulus*, qui *Christicolae* capropter

in afflictione gloriari inquit, quod tolerantiam illa pariat, unde
demum experientia, & spes nunquam pudefaciens exoritur.
Neq; est quod ex aduerso quis existimet, fidos hosce Re-
demtoris Legatos talia stylo duntaxat expressisse, &
pronunciassse in cathedris, reipsa etenim idem praestitisse
compertum est: Exultabat sane Petrus iuxta cum Co-
operarijs cum ignominia affecti essent, minis namq; o-
nerabantur, opproprijs exagitabantur, quin & virgis
caedebantur dorsa, neq; verò illi propterea minas eru-
ctabant, neq; retorquebant diras & maledictiones ad-
uersus insultantes, ibant potius gaudentes, vultuq; hila-
riori à cōspectu Synedrij Hierosolymitani discedebant,
sibiq; de tanto gratulabantur honore, quod digni fuis-
sent habiti, qui pro Jesu nomine tolerarent contumelias:
Paulum quoq; concatenatis angustiae compedibus undi-
quaq; constrictum, interiorem nihilominus animi læti-
tiam atq; fortitudinem declarasse constat, & quis non
demiretur hunc Tarsensem tripudiantem, *Repleus sum
solamine, superabundo gaudio in universa tribulatione nostra*:
adeone idem lætitiā superabundare poterat, qui alias se-
se una cum cœteris Apostolis instar *περικατάρατος* & *τί-
κτος* vilipendi conquestus est? non ipse reticuit quod
decumanos iteratò expertus esset infortunij fluctus, *ad
hoc usq; tempus* (ait) *esurimus, sitimus, denudati sumus, colaphisq;
cedimur, & incertis erramus sedibus*, nihilominus animi se-
curus non solamine duntaxat se refocillari, sed gaudio
præterea delibutum esse abundantissimo disertè asse-
ruit. Exinde colligere promprum est, Spiritum sacra-
tissimum suo ductu monitisq; genuinam solidamq; ani-
morum fortitudinem efficere, & heroas animare in-
comparabiles, ut impavidè divinitus immissa succollent
œnera, & illa tolerant constantiâ animi invictâ. Equi-
dem

dem sentiunt afflicti amaritudinem, dolorumq; spicula
vulnerantia, (neq; enim sensum adimit Spiritus) sed
vincunt omnia fortissime, Anteambulonem suum san-
ctissimum imitati, qui cum calicem felle furoris & ex-
candescentiæ divinæ usquequaq; completum evacuan-
dum sibi apponi cerneret, immensas prævidebat diffi-
cultates, neque dissimulabat animi angorem prægran-
dem, nec recalcitrabat tamen, neq; obicem ponebat Pa-
renti, sed patrijs placitis placidâ mente sese submitte-
bat, consentiendo & approbando, ut expediretur ocyf-
simè quod paterna antehac decreverat manus; haud
dispari modo infucati Christi Amatores ac Sectatores
se ad durissima quævis toleranda obstrictos esse digno-
scunt, quocirca in luctuosis cladibus & angustia procel-
lis conqueruntur quidem hæc acerba esse mala, & per-
quam amara, ut lachrymas etiam excutiânt & lamenta,
sed vincit nihilominus amor JESU, ejus stimulos dum
sentiunt, projecta quævis concoquunt probra, dira du-
raq; tolerantes eadem libenter perferunt & hilariter.
Præcipuè verò in morborû lethalium conflictu, & extre-
mo mortis agone fortitudinis experimentû hoc sistere
præprimis fuerit necessarium, ubi universæ hostium tur-
mæ factò agmine cordis arcem invadent, vallabunt, op-
pugnabunt, in quo incursum robore profectò indigebit
anima, ne in periculosissimo succumbat agone, in quo
nisi victricem obtinuerit palamam, de æternum duratu-
rà salute omninò deinceps actum erit. Quocirca ma-
turè ad Spiritus armamentarium properare operæ pre-
tium erit, atq; maturè panopliam Spiritus applicare con-
veniet, ut in prælijs his, temporibusq; adversis subsiste-
re, & triumphum ducere liceat. Ista omnia laudabili stu-
dio Macarites nostra *Femina Lectissima* ELISABETHA

Rnuppert ponderavit, quantisper vivorum cætum au-
xit: prælagiebat animus Christo addictissimus spiritua-
les imminere conflictus, & adversa quamplurima in ul-
timo necis agone superanda restare, proinde non ad ex-
trema vitæ momenta rejiciebat curam saluti obtinendæ
impendingam, dudum ipsa sollicita fuit, scrutata est,
& sciscitata sedulò, quibus modis medijsq; invictam &
perseverantem animi fortitudinem obtineret, quocir-
ca Scripturæ evolvendæ amantissima erat, ut instar ap-
pis mel cognitionis inde congereret, collatione pariter
& ruminacione frequenti sacra volvebat & revolvebat,
neq; istâ rerum cœlestium indagine pretiosius quid-
quam æstimabat, ut firmaretur rore cœlesti pectus;
Hujus honori ultimo hunc destinamus lessum, subne-
ctentes porrò illâ, quæ vitæ transactæ Majorumq; seri-
em recensendam concernunt. Nata est in urbe hæc Ro-
stochiensis Anno millesimo, sexcentesimo, decimo, die
IX. Decembris, Patre quidem Viro Literatissimo &
Spectatissimo, DN. HENRICO Rnuppert / in hac
Politiâ Cive quondam primario, Matre verò Ornatif-
simâ virtutumque dotibus eximiâ Fœminâ ANNA
Ohms; Avum præterea laudavit Paternum Virum
Magnificum, & Amplissimum DN. ALBERTUM
Rnuppert / Juris Doctorem, & Serenissimi, Potentissi-
miq; Danorum Regis FRIDERICI II. gloriosæ re-
cordationis &c. Cancellarium & Consiliarium Inti-
mum, Virum in sæculo priori de Regno isto egregiè me-
ritum, & legationibus felicissimè expeditis clarissimum,
Cujus Conjux erat Pientissima Matrona ANNA
Sjöteborges; Avum deniq; Maternum habuit Integer-
rimum Virum, JOACHIMUM Ohm / hujatem Ce-
1610. 10VI

revifarium & Civem præcipuum, Aviamq; Laudatam
Foeminam I L S A M Nellenblades; quamprimum his
Genitoribus in lucem edita ac paulò deinceps instar fur-
culi Arborivivæ J E S U per Regenerationis lavacrum
inserta esset, sedulâ Parentum curâ in Virtutis Pietas-
tisq; Gymnasio decenter fuit educata, ut probitate or-
namentisq; sexum illum decorantibus corusca, aliquan-
do Marito juncta istum exhilarare valeret. Neq; in-
frugiferam fuisse istam operam locaram non absq; in-
igni rei familiaris emolumento expertus est Vir Inte-
gerrimus, & Doctissimus, DN. JOHANNES Eüders/
Cerevisarius, atq; Civis in hac urbe laudatissimus, cui
Macarites nostra matrimoniali fædere fausto sociata,
fuit Anno millesimo, sexcentesimo, trigesimo octavo,
qui maximo mœrore percussus est, simulac desideratif-
simæ Costæ obitum sibi suisq; perquam doloriferum
audivit, suam etenim Abigail occidisse, suamq; ex-
spirasse Hannam pietatis & industriæ familiaris studio
semper sibi charissimam, suam cordis particulam
nunc avocata acerbè lugeat; cumq; antehac Viduus
mœstissimus binis vicibus Costis orbatum expertus sit
torum, nunc tertio iteratam cladem, vulnera pristina in-
simul refricantem, impensè deslet, cui largissimum sola-
minis imbrem, pectus viduatum & exarescens irrigan-
tem, & coelitus refocillantem apprecamur, ne dolori suc-
cumbat, quem abs cœlesti immisum manu exactè no-
vit. Conjugium per tria lustra adeo concors, adeoq;
erat tranquillum, ut Viriplacæ Deæ nunquam hostias
consecrari opus fuerit, namq; mens una, & conjunctis-
simus amor nullam cordium divulsionem admittebat;
neque sterile connubium fuit, cum quatuor filiorum, &
filias

filiae unice Genitrix salutata sit, ex quibus duo priores filij, JOHANNES & HENRICUS, adhuc inter vivos supersunt, & optatissimæ Genitricis obitum desperatum amare deplorant, vivit itidemq; filiola postremò- genita ANNA- ELISABETHA; duo verò filij JOACHIMUS & CHRISTIANUS ante Matrem hanc dulcissimam telluri jam concrediti sunt. Vitam piè pudicèq; transegit, & quibus cum conversata fuit, familiariter istorum omnium favorem & benevolentiam comitate morumq; decore facile impetravit, imprimis Servatoris, Verbiq; divini flagravat amore, quem suis domesticis abundè pià conversatione comprobavit. Morbum quod attinet, circiter hebdomadas tres febrì correpta fuit vehementiori, quam alia, deinceps exceperunt symptomata, cumq; vitæ terminum quo vis momento imminere exploratum haberet, nihil æquè in votis habuit, quàm desideratissimum S. Eucharistias epulum, quo licet paucissimis abhinc septimanis refecta fuisset, noluit nihilominus absq; viatico illo sacratissimo iterum excepto ad iter extremum se accingere; Morbo durante *αληθροφασίαν* fidei egregijs Verbi sacri Apophtegmatibus exactè declaravit, donec 3. Februarij die inter astantium Propinquorum suspiria placidè exspiraret, cum annum ætatis ageret, quadragesimum tertium.

Hujus Fœminæ laudatæ hodiernâ luce telluri committentur Exuviae, quas ut frequenti comitatu Omnes Academici Cives haud gravatim cohonestent, amanter & sedulò contendimus. P. P. Rostochi die VII. Febr. Anno 1653.


*Instituetur Conventus Hor. I. in Templo
Mariano.*

GUSTAV KOCH
Buchbinderei
ROSTOCK



dem sentiunt afflicti amaritudinem, do-
vulnerantia, (neq; enim sensum adimi-
vincunt omnia fortissime, Antea mbulo
ctissimum imitati, qui cum calicem fel-
candescentiæ divinæ usquequaq; comp-
dum sibi apponiceret, immensas pi-
cultates, neque dissimulabat animi ang-
dem, nec recalcitrabat tamen, neq; obice-
renti, sed patrijs placitis placidâ ment-
bat, consentiendo & approbando, ut exp-
simè quod paterna antehac decreverat
dispari modo infucati Christi Amatores
se ad durissima quævis toleranda obstr-
scunt, quod circa in luctuosis cladibus & a-
lis conqueruntur quidem hæc acerba esse
quam amara, ut lachrymas etiam excutit
sed vincit nihilominus amor JESU, cujus
sentiunt, projecta quævis concoquunt pi-
raq; tolerantes eadem libenter perferu-
Præcipuè verò in morborum lethaliu com-
mo mortis agone fortitudinis experime-
præprimis fuerit necessarium, ubi univer-
mæ factio agmine cordis arcem invadent
pugnabunt, in quo incursum robore profe-
anima, ne in periculosissimo succumbat
nisi victricem obtinuerit palmam, de ter-
rà salute omnino deinceps actum erit.
rurè ad Spiritus armamentarium proper-
rium erit, atq; maturè panopliam Spiritus
veniet, ut in prælijs his, temporibusq; ac-
re, & triumphum ducere liceat. Ista omni-
dio Macarites nostra *Femina Lectissima B*

A 3



cula
sed
fan-
ex-
an-
ffi-
an-
Pa-
tre-
yf-
aud
res
no-
cel-
per-
ta,
um
da-
ter.
ere
tur-
op-
it
quo
tu-
ma-
re-
on-
ste-
tu-
HA
rupa